



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, brojevi 26/04, 19/07, 2/08, 19/10 i 15/11), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10 i 4/13) i Prijedloga odluke gradonačelnika Brčko distrikta BiH, broj: 22-004434/13 od 10. 9. 2013. godine, Skupština Brčko distrikta BiH na 1. nastavku 20. redovne sjednice održanom 6. novembra 2013. godine, donosi

ODLUKU O UTVRĐIVANJU JAVNOG INTERESA

Član 1

Utvrđuje se da je od javnog interesa za Brčko distrikt BiH izgradnja priključnog cjevovoda od pumpne stanice do postojećih rezervoara, bunarske pumpe, kao i rekonstrukcija postojeće pumpne stanice na izvorištu Stjepkovicu u Brčko distriktu BiH, na dijelu zemljišta označenog kao k.č. broj: 2441 KO Skakava Gornja i k.č. 9661/1 (dio 371/1, dio 371/2), 971/1, 971/2, 1032/2 i 972 KO Vujčići u Brčko distriktu BiH, prema Rješenju o lokacijskim uslovima, broj: UP-I-22-001039/13 od 18. 6. 2013. godine, Grafičkom izvodu iz Prostornog plana Brčko distrikta BiH 2007.-2017., urbano područje „Vujčići i Skakava Gornja“- lokacija objekta, broj: UP-I-22-001039/13 od 18. 6. 2013. godine.

Član 2

Korisnik eksproprijacije iz člana 1 ove odluke je Brčko distrikt BiH.

Član 3

Sredstva za izgradnju priključnog cjevovoda od pumpne stanice do postojećih rezervoara, bunarske pumpe, kao i rekonstrukciju postojeće pumpne stanice na izvorištu Stjepkovicu u Brčko distriktu BiH iz člana 1 ove odluke osigurana su u kapitalnom budžetu Brčko distrikta BiH za 2011. i 2013. godinu.

Član 4

Nalaže se Odjeljenju za prostorno planiranje i imovinskopravne poslove da izvrši nepotpunu eksproprijaciju, s ciljem sticanja prava služnosti na neodređeno vrijeme, za izgradnju priključnog cjevovoda od pumpne stanice do postojećih rezervoara, bunarske pumpe, kao i rekonstrukciju postojeće pumpne stanice na izvorištu Stjepkovicu u Brčko distriktu BiH, na dijelu zemljišta označenog kao k.č. broj: 2441 KO Skakava Gornja i k.č. 9661/1 (dio 371/1, dio 371/2), 971/1, 971/2, 1032/2 i 972 KO Vujčići u Brčko distriktu BiH, u skladu s detaljno utvrđenim lokacijsko-tehničkim uslovima.

Član 5

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -188/13
Brčko, 6. 11. 2013. godine

**PREDSJEDNIK
SKUPŠTINE BRČKO DISTRIKTA BiH**

Đorđa Kojić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za komunalne poslove
5. Odjeljenju za prostorno planiranje i imovinskopravne poslove
6. Sektoru za koordinaciju politika i opće poslove
Odsjeku za opće poslove
7. Arhivi